

Na osnovu člana 16. stav (1) i člana 17. stav (2) Zakona o Vladi Hercegovačko-neretvanskog kantona („Službene novine HNK“, broj: 3/07 i 5/09), člana 4. stav (3), člana (5) Zakona o novčanim podrškama u primarnoj poljoprivrednoj proizvodnji i prehrambeno-prerađivačkoj proizvodnji („Službene novine HNK“, broj: 2/13) i člana 35. Zakona o izvršenju Budžeta HNK za 2022. godinu („Službene novine HNK“, broj: 11/21), na prijedlog Ministarstva poljoprivrede, šumarstva i vodoprivrede, Vlada Hercegovačko-neretvanskog kantona je na 172. sjednici, održanoj 22.4.2022. godine, donijela

Primljeno:	25.04.2022		
Org. jed.	Klas. oznaka	Redni broj	Broj prijeka
11-	02-20-	473.	

ODLUKU

O USVAJANJU PROGRAMA UTROŠKA NOVČANIH SREDSTAVA ZA NOVČANE PODRŠKE U PRIMARNOJ POLJOPRIVREDNOJ PROIZVODNJI I PREHRAMBENO-PRERAĐIVAČKOJ PROIZVODNJI ZA 2022. GODINU

I

Usvaja se Program utroška novčanih sredstava za novčane podrške u primarnoj poljoprivrednoj proizvodnji i prehrambeno-prerađivačkoj proizvodnji za 2022. godinu .

II

Program iz tačke I Odluke čini sastavni dio ove Odluke.

III

Za realizaciju ove Odluke zadužuju se Ministarstvo poljoprivrede, šumarstva i vodoprivrede i Ministarstvo finansija.

IV

Odluka stupa na snagu danom donošenja, a objavit će se u „Službenim novinama Hercegovačko-neretvanskog kantona.“

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
VLADA

Broj: 01-1-02-939-1/22
Mostar, 22.4.2022. godine.



PREDSJEDNIK

dr. sc. Nevenko Herceg

Na osnovu člana 16. stav (1) i člana 17. stav (2) Zakona o Vladi Hercegovačko-neretvanskog kantona („Službene novine HNK“, broj: 3/07 i 5/09), člana 4. stav (3) i člana 5. Zakona o novčanim podrškama u primarnoj poljoprivrednoj proizvodnji i prehrambeno-prerađivačkoj proizvodnji („Službene novine HNK“, broj: 2/13) i člana 35. Zakona o izvršavanju Budžeta HNK za 2022. godinu („Službene novine HNK“, broj: 11/21), na prijedlog Ministarstva poljoprivrede, šumarstva i vodoprivrede, Vlada Hercegovačko-neretvanskog kantona je na 172. sjednici, održanoj 22.4.2022. godine, donijela

PROGRAM
UTROŠKA NOVČANIH SREDSTAVA ZA NOVČANE PODRŠKE U
PRIMARNOJ POLJOPRIVREDNOJ PROIZVODNJI I PREHRAMBENO-
PRERAĐIVAČKOJ PROIZVODNJI ZA 2022. GODINU

Hercegovačke
Federacije Bosne i Hercegovine
HERCEGOVAČKO-NERETVANSKA ŽUPANIJA/KANTON
MINISTARSTVO POLJOPRIVREDE,
ŠUMARSTVA I VODOPRIVREDE

Primljeno:	25.04.2022		
Org. jed.	Klas. oznaka	Redni broj	Broj priloga
	11-22-20	473	22

POGLAVLJE I. OPĆE ODREDBE

I

(Svrha Programa)

Svrha Programa je oživjeti i unaprijediti poljoprivrednu proizvodnju na području Hercegovačko-neretvanskog kantona kroz različite vrste podrški, kako bi se poljoprivredna proizvodnja učinila što konkurentnijom na tržištu. Cilj donošenja ovog Programa je podizanje nivoa proizvodnje na nivo samoodrživosti, povećanje kapaciteta poljoprivredne proizvodnje, zadržavanje stanovništva u ruralnim područjima i razvoj poljoprivrede koja je od značaja za turizam i ekologiju.

II

(Izvor i visina sredstava)

Sredstva za realizaciju Programa osigurana su u Budžetu HNK za 2022. godinu na poziciji „Poticaji u poljoprivredi“, organizacijska jedinica 37010006, ekonomski kod 614 400, u iznosu od 2.500.000,00 KM (slovima: dvamilionapetstohiljadakonvertibilnih maraka).

POGLAVLJE II. KORISNICI I NAČIN REALIZACIJE NOVČANIH PODRŠKI

III

(Korisnici)

Novčana sredstva za podrške realizovat će se pravnim licima, obrtnicima i fizičkim licima s područja Hercegovačko-neretvanskog kantona, prema općim i posebnim uslovima.

IV

(Opći uslovi)

Pravo na podršku ima pravno lice, obrtnik i fizičko lice (u daljnjem tekstu: klijent), koji ispunjava sljedeće opće uslove:

- a) ima sjedište, odnosno prebivalište na području HNK,
- b) ostvaruje poljoprivrednu proizvodnju na području HNK,
- c) upisan u Registar poljoprivrednih gazdinstava (RPG), odnosno Registar klijenata (RK) u skladu s Pravilnikom o upisu u Registar poljoprivrednih gazdinstava i Registar klijenata („Službene novine F BiH“, broj: 31/18), (u daljnjem tekstu: Pravilnik o upisu u RPG/RK),
- d) u gradskoj / općinskoj službi nadležnoj za vođenje RPG/RK izvršio ažuriranje podataka od 01.01.2022. do 31.03.2022. godine. Pored navedenog, klijent upisan u RPG/RK u

- skladu s Pravilnikom o upisu u RPG/RK dužan je gradskoj /općinskoj službi u roku od 30 dana od dana nastanka promjene prijaviti promjenu podataka koji se odnose na: sjedište, odnosno prebivalište, svaku promjenu informacija vezanu za kontaktnu komunikaciju, promjenu bankovnog računa na koji se mogu doznati sredstva. Podaci iz RPG/RK obavezno se koriste za provođenje mjera novčanih podrški u poljoprivredi,
- e) klijent je dužan imati potpune i tačne podatke u registrima i imati osnov u priloženoj skeniranoj dokumentaciji koja treba biti čitka i vidljiva,
 - f) klijent koji podnosi zahtjev za kantonalnu novčanu podršku u 2022. godini dužan je imati aktivan bankovni račun koji je lično prijavio u RPG/RK, što svojim potpisom potvrđuje i na obrascu zahtjeva za kantonalnu novčanu podršku, kako bi nakon provedbe kantonalnih podrški mogla biti izvršena isplata odobrene podrške na bankovni račun iz RPG/RK klijenta,
 - g) klijent gubi pravo na podršku ako bankovni račun koji je lično prijavio u RPG/RK nije aktivan,
 - h) klijent upisan prvi put u RPG/RK u 2022. godini može podnijeti prijavu/podnijeti zahtjev za kantonalnu novčanu podršku u 2022. godini,
 - i) pored općih uslova vezanih za RPG/RK (Pravilnik o upisu u RPG/RK), klijent koji se bavi držanjem pčelinjih društava treba biti upisan i prijaviti broj pčelinjih zajednica na dan 15.10. prethodne godine i 15.4. tekuće godine najkasnije do 15.5. tekuće godine kod nadležne općinske službe u Registar pčelara i pčelinjaka u skladu sa Pravilnikom o pčelarstvu („Službene novine F BiH“, broj: 31/18),
 - j) upisan u sudski Registar za obavljanje poljoprivredne djelatnosti ako je privredno društvo ili zadruga, te u Obrtni registar koji vodi organ nadležan za izdavanje obrtnice ako su obrtnici ili u odgovarajućem registru udruženja za udruženja,
 - k) klijent može ostvariti novčanu podršku isključivo za mjeru koja je propisana Programom, ostvario propisanu minimalnu poticanu površinu/količinu i ispunjava ostale posebno propisane uslove,
 - l) klijent čije se zemljište upisano u RPG/RK nalazi izvan područja HNK ne može ostvariti podršku iz ovog Programa,
 - m) klijent dostavi Potvrdu da u momentu podnošenja zahtjeva za podršku nema neizmirenih obaveza plaćanja zakupnine/koncesione naknade na osnovu ugovora o zakupu/koncesiji poljoprivrednog zemljišta u državnoj svojini zaključenih sa HNK ili jedinicom lokalne samouprave-osim podnosilaca zahtjeva za proizvodnje koje su vezane za zemljište koje se nalazi na području Grada Mostara (Potvrdu izdaje Zavod za zemljište MPŠVHNŽ-K),
 - n) klijent koji ne dostavi Potvrdu od Zavoda za zemljište MPŠVHNK o izmirenim obavezama plaćanja zakupnine/koncesione naknade gubi pravo na podršku,
 - o) Zavod za zemljište MPŠVHNK dostavlja sektoru nadležnom za obradu zahtjeva za novčane podrške, Popis klijenata koji imaju obavezu, uz zahtjev za novčanu podršku, dostaviti Potvrdu iz tačke m) i n) ove tačke,
 - p) klijent je dužan dobiti novčana sredstva za podrške namjenski koristiti. Klijent po pitanju podrške podliježe nadzoru poljoprivrednog inspektora.

V

(Podnošenje zahtjeva)

- (1) Klijent ostvaruje novčanu podršku na osnovu podnesenog zahtjeva sa dokumentacijom propisanom Uputstvom o načinu i uslovima za ostvarenje podrški u primarnoj poljoprivrednoj proizvodnji i prehrambeno-prerađivačkoj proizvodnji (u daljnjem tekstu: Uputstvo) i odgovara za vjerodostojnost i tačnost podataka.
- (2) Za podatke navedene na obrascu zahtjeva za kantonalne novčane podrške odgovara isključivo klijent.

- (3) Klijent podnosi prijavu za izlazak na teren i sačinjavanje zapisnika radi utvrđivanja činjeničnog stanja u svrhu ostvarenja novčane podrške do rokova za prijavu za izlazak na teren utvrđenih u Uputstvu, po mjestu proizvodnje gradskoj/općinskoj službi nadležnoj za poslove poljoprivrede. Ako klijent preda prijavu za izlazak na teren gradu/općini u kojoj nije mjesto proizvodnje klijenta, grad/općina koja je zaprimila prijavu za izlazak na teren službenim putem prosljeđuje prijavu za izlazak na teren nadležnom gradu/općini na čijem je području mjesto proizvodnje. Iznimno, prije objave Uputstva za 2022., na osnovu ovog Programa klijent može podnijeti prijavu za izlazak na teren i sačinjavanje zapisnika na obrascu Prijava za izlazak na teren - biljna proizvodnja iz Uputstva za 2021. za rane usjeve krompira na otvorenom.
- (4) Prijavu za izlazak na teren može podnijeti samo jedan od supružnika jer podršku iz ovog Programa može ostvariti samo jedan od supružnika iz razloga što je u Zakonu o poljoprivredi („Službene novine FBiH“ br. 88/07, 04/10, 27/12 i 7/13), definisano da je porodično poljoprivredno gazdinstvo samostalna privredna i socijalna jedinica osnovana na vlasništvu i/ili upotrebi proizvodnih resursa i upravljanju porodice u obavljanju poljoprivredne djelatnosti.
- (5) Uvid na terenu i sačinjavanje zapisnika mogu vršiti samo uposleni državni službenici općine/grada (poljoprivredni inspektor ili državni službenik općine/grada koji ima posebno pismeno ovlaštenje općine/grada za vršenje uvida i sačinjavanje zapisnika iz stava (3) ovog člana).
- (6) Državni službenik općine/grada, na osnovu podnesene prijave za izlazak na teren i svih podataka i dokumentacije iz RPG/RK i evidencije pčelara i pčelinjaka koja se vodi u Registru pčelara i pčelinjaka integrisanom sa bazom podataka u RPG/RK, vrši uvid na mjestu proizvodnje kod klijenta i sačinjava zapisnik.
- (7) Klijent uz prijavu za izlazak na teren prilaže kopiju katastarskog plana.
- (8) Klijent podnosi zahtjev za novčanu podršku sa dokumentacijom u rokovima propisanim Uputstvom Ministarstvu poljoprivrede, šumarstva i vodoprivrede (u daljnjem tekstu: Ministarstvo).
- (9) Klijent podnosi jednu prijavu/zahtjev za jednu propisanu mjeru podrške. Klijent koji aplicira za više od jedne vrste podrške, za svaku od poticanih vrsta podrške popunjava i predaje zaseban zahtjev Ministarstvu i prethodno zasebnu prijavu za izlazak na teren gradskoj/općinskoj službi nadležnoj za poslove poljoprivrede.
- (10) Klijent koji podnese zahtjev za proizvodnju presadnica povrća i ljekovitog bilja može podnijeti samo zahtjev za tu proizvodnju.
- (11) Klijent koji podnese zahtjev po Modelu kapitalnih/investicijskih ulaganja može ostvariti podršku u skladu sa propisanim uslovima samo po jednoj vrsti kapitalne/investicijske podrške.
- (12) Klijent ne može ostvariti podršku iz ovog Programa za istu mjeru za koju je klijentu u 2022. godini kantonalno Ministarstvo izvršilo obračun federalne novčane podrške po modelu poticaja proizvodnji, osim propisanih mjera hranidbe u stočarstvu.
- (13) Dokumentacija koju klijent dostavlja Ministarstvu uvodi se u odgovarajuću evidenciju o upravnim predmetima u skladu sa propisima o kancelarijskom poslovanju organa uprave i službi za upravu Hercegovačko-neretvanskog kantona.
- (14) Ministar rješenjem imenuje komisiju koja utvrđuje prijedlog odobravanja novčanih podrški po vrstama propisanih podrškiza klijente koji su ispunili opće i definirane posebne uslove za dodjelu podrške.
- (15) Ministar rješenjem utvrđuje iznos i način plaćanja naknada za rad komisije iz stava (14) ove tačke.
- (16) Na osnovu prijedloga komisije ministar nakon razmotrenih zaprimljenih zahtjeva i na osnovu raspoloživih sredstava donosi odluku o odobravanju novčane podrške po vrstama

propisanih podrški za klijente koji su ispunili opće i definirane posebne uslove za dodjelu podrške.

- (17) Na osnovu odluke iz stava (16) ove tačke ministar odobrava isplatu novčanih podrški na obračunskim tabelama koje se dostavljaju Ministarstvu finansija na isplatu.

VI

(Posebni uslovi)

- (1) Pored općih uslova iz tačke IV ovog Programa, klijent mora ispunjavati i posebne uslove koji će biti propisani Uputstvom.
- (2) Uputstvo za tekuću godinu donosi ministar nakon usvajanja Programa.
- (3) U slučaju potrebe, donosi se izmjena Programa.
- (4) Izmjene i dopune Programa predlaže Ministarstvo, a donosi Vlada HNK.
- (5) Visina novčane podrške po pojedinim vrstama podrški klijentu razmjerno će se smanjiti ako ukupni zahtjevi za podršku prelaze maksimalno poticanu količinu/sredstva.
- (6) Mjere podrške za podizanje novih nasada voća, podizanje novih nasada maslina, podizanje novih nasada vinograda za jesensku sadnju 2022. godine bit će obuhvaćene Programom u narednom periodu u kojem budu osigurana budžetska sredstva za tu namjenu.

POGLAVLJE III. MODELI POTICANJA

A. BILJNA PROIZVODNJA

VII

(Podizanje novog nasada voća)

- (1) Podršku ostvaruje klijent koji je u jesenskoj sadnji 2021. i proljetnoj sadnji 2022. godine zasadio novi nasad voća minimalno 0,1 ha po kulturi- jabuka, kruška, šljiva, trešnja, višnja, breskva, nektarina, kajsija, šipak, smokva, orah, bajam, lješnjak i kivi.
- (2) Minimalan broj sadnica na 0,1 ha novog nasada jabuke je 40, kruške 50, šljive 50, trešnje 30, višnje 50, breskve 50, nektarine 50, kajsije 20, šipka 30, smokve 20, oraha 20, bajama 20, lješnjaka 20 i kivija 50.
- (3) Klijent podnosi isključivo jedan zahtjev za podizanje novog nasada voća nezavisno odnosi li se na sadnju jedne ili više kultura obuhvaćenih ovom mjerom.
- (4) Podrškase može ostvariti za minimalno 0,1 ha po kulturi, a maksimalno za 0,5 ha po svakoj kulturi novog nasada voća obuhvaćenih ovom mjerom.
- (5) Iznos podrške je do 750,00 KM za 0,1 ha novog nasada voća.

VIII

(Podizanje novog nasada - maslina)

- (1) Podršku ostvaruje klijent koji je u jesenskoj sadnji 2021. i proljetnoj sadnji 2022. godine zasadio minimalno 0,1 ha novog nasada masline, sa minimalno 20 sadnica na 0,1 ha.
- (2) Podrška se može ostvariti za minimalno 0,1 do maksimalno 0,5 ha novog nasada masline.
- (3) Iznos podrške je do 750,00 KM za 0,1 ha novog nasada masline.

IX

(Podizanje novog nasada - vinograda)

- (1) Podršku ostvaruje klijent koji je u jesenskoj sadnji 2021. i proljetnoj sadnji 2022. godine zasadio minimalno 0,1 ha novog nasada vinove loze sa minimalno 300 sadnica na 0,1 ha za vinsko grožđe, a sa minimalno 120 sadnica na 0,1 ha za stolno grožđe.
- (2) Podrška se može ostvariti za minimalno 0,1 ha do maksimalno 0,5 ha novog nasada vinove loze.

- (3) Iznos podrške je do 1.000,00 KM za 0,1 ha novog nasada vinograda.

X

(Proizvodnja voća - stari nasad)

- (1) Podršku ostvaruje klijent za proizvodnju voća u rodu starosti nasada najmanje pet godina, za stari nasad voća minimalno 0,1 ha po kulturi: jabuka, kruška, šljiva, trešnja, višnja, breskva, nektarina, kajsija, šipak, smokva, orah, bajam, lješnjak i kivi.
- (2) Minimalan broj sadnica na 0,1 ha starog nasada je: jabuke 40, kruške 50, šljive 50, trešnje 30, višnje 50, breskve 50, nektarine 50, kajsije 20, šipka 30, smokve 20, oraha 20, bajama 20, lješnjaka 20 i kivija 50.
- (3) Podrška se može ostvariti za površinu od minimalno 0,1 ha po kulturi, a maksimalno za sveukupno 0,5 ha starog nasada voća nezavisno odnosi li se na proizvodnju jedne ili više kultura obuhvaćenih ovom mjerom.
- (4) Klijent podnosi isključivo jedan zahtjev za proizvodnju starog nasada voća nezavisno odnosi li se na proizvodnju jedne ili više kultura obuhvaćenih ovom mjerom.
- (5) Iznos podrške je do 170,00 KM za 0,1 ha starog nasada voća.

XI

(Proizvodnja grožđa - stari nasad)

- (1) Podršku ostvaruje klijent za proizvodnju grožđa u rodu za nasad u kojem se provode agrotehničke mjere.
- (2) Podrška se može ostvariti za površinu od minimalno 0,1 do maksimalno 0,5 ha.
- (3) Iznos podrške je do 200,00 KM za 0,1 ha starog nasada grožđa.

XII

(Proizvodnja maslina-stari nasad)

- (1) Podršku ostvaruje klijent za proizvodnju maslina u rodu starosti nasada najmanje pet godina sa minimalno 20 stabala na 0,1 ha u kojem se provode agrotehničke mjere.
- (2) Podrška se može ostvariti za površinu od minimalno 0,1 do maksimalno 0,5 ha.
- (3) Iznos podrške je do 170,00 KM za 0,1 ha starog nasada maslina.

XIII

(Proizvodnja malina-stari nasad)

- (1) Podršku ostvaruje klijent za proizvodnju malina u rodu starosti nasada najmanje dvije godine u kojem se provode agrotehničke mjere.
- (2) Podrška se može ostvariti za površinu od minimalno 0,1 do maksimalno 0,5 ha.
- (3) Iznos podrške je do 170,00 KM za 0,1 ha starog nasada malina.

XIV

(Proizvodnja paradajza na otvorenom)

- (1) Podršku ostvaruje klijent za proizvodnju paradajza na otvorenom u 2022. godini.
- (2) Podrška se može ostvariti za površinu od minimalno 0,1 do maksimalno 0,5 ha.
- (3) Iznos podrške je do 220,00 KM za 0,1 ha paradajza na otvorenom.

XV

(Proizvodnja lubenice na otvorenom)

- (1) Podršku ostvaruje klijent za proizvodnju lubenice na otvorenom u 2022. godini.
- (2) Podrška se može ostvariti za površinu od minimalno 0,1 do maksimalno 0,5 ha.
- (3) Iznos podrške je do 220,00 KM za 0,1 ha lubenice na otvorenom.

XVI

(Proizvodnja bijelog luka na otvorenom)

- (1) Podršku ostvaruje klijent za proizvodnju bijelog lukana otvorenom u 2022. godini.
- (2) Podrška se može ostvariti za površinu od minimalno 0,1 do maksimalno 0,5 ha.
- (3) Iznos podrške je do 220,00 KM za 0,1 ha bijelog luka na otvorenom.

XVII

(Proizvodnja crvenog luka na otvorenom)

- (1) Podršku ostvaruje klijent za proizvodnju crvenog luka na otvorenom u 2022. godini.
- (2) Podrška se može ostvariti za površinu od minimalno 0,1 do maksimalno 0,5 ha.
- (3) Iznos podrške je do 220,00 KM za 0,1 ha crvenog luka na otvorenom.

XVIII

(Proizvodnja krompira na otvorenom)

- (1) Podršku ostvaruje klijent za proizvodnju krompira na otvorenom u 2022. godini, upisan kod Federalnog ministarstva poljoprivrede, vodoprivrede i šumarstva u Fitoevidenciju ili Fitoregistar zavisno o proizvodnoj površini.
- (2) Podrška se može ostvariti za površinu od minimalno 0,1 do maksimalno 0,5 ha.
- (3) Iznos podrške je do 220,00 KM za 0,1 ha krompira na otvorenom.

XIX

(Proizvodnja graha na otvorenom)

- (1) Podršku ostvaruje klijent za proizvodnju graha na otvorenom u 2022. godini.
- (2) Podrška se može ostvariti za površinu od minimalno 0,1 do maksimalno 0,5 ha.
- (3) Iznos podrške je do 220,00 KM za 0,1 ha graha na otvorenom.

XX

(Proizvodnja u plasteniku/stakleniku)

- (1) Podršku ostvaruje klijent koji u 2022. godini proizvodi poljoprivredno bilje u zaštićenom prostoru plastenika/staklenika na minimalnoj ukupnoj površini 300 m² u kojima se provode odgovarajuće agrotehničke mjere.
- (2) Podrškase može ostvariti za proizvodnju poljoprivrednog bilja na maksimalno 5000 m² površine plastenika/staklenika.
- (3) Iznos podrške je do 0,60 KM/m² plastenika/staklenika.

XXI

(Proizvodnja presadnica povrća i ljekovitog bilja)

- (1) Podršku ostvaruje klijent koji je proizveo minimalno 500.000 presadnica u 2021. godini.
- (2) Podršku klijent može ostvariti za maksimalno 1.200.000 proizvedenih presadnica u 2021. godini.
- (3) Podršku ostvaruje klijent, registrovani proizvođač presadnica, koji je dostavio kantonalnom Ministarstvu Evidenciju o proizvodnji presadnica za 2021. godinu (Obrazac br. 12).
- (4) Iznos podrške je do 0,01 KM/komadu.

B. ANIMALNA PROIZVODNJA

XXII

(Oprašivači poljoprivrednih kultura – pčelarstvo)

- (1) Podršku za održivost pčelarske proizvodnje zbog iznimno važne uloge pčela u oprašivanju poljoprivrednih kultura i održanju cjelokupnog ekosustava ostvaruje klijent koji ima prebivalište/sjedište na području HNK, upisan je i ažurirao stanje u RPG/RK i prema Listi posjeda poljoprivredno gazdinstvo klijenta je na području HNK.
- (2) Podršku ostvaruje klijent koji je upisan i ažurirao stanje u Registru pčelara i pčelinjaka, u vlasništvu ima najmanje 20 aktivnih pčelinjih društava, mjesto proizvodnje, lokacija pčelinjaka klijenta je na području HNK.
- (3) Podrška se može ostvariti za najviše 100 aktivnih pčelinjih društava u vlasništvu klijenta.
- (4) Iznos podrške je do 12,00 KM po aktivnom pčelinjem društvu.

XXIII

(Podrška hranidbe u ovčarstvu)

- (1) Podršku ostvaruje klijent za kojeg je u 2022. godini kantonalno Ministarstvo izvršilo obračun federalne novčane podrške za Uzgoj rasplodne stoke - ovce.
- (2) Klijent koji ne aplicira za federalnu novčanu podršku za Uzgoj rasplodne stoke – ovce u 2022. godini, podršku ostvaruje za hranidbu u ovčarstvu - rasplodne ovce ako u vlastitom uzgoju ima minimalno obilježeno 30 rasplodnih ovaca.
- (3) Podrška hranidbe u ovčarstvu može se ostvariti za maksimalno 650 rasplodnih ovaca.
- (4) Iznos podrške je do 7,00 KM po rasplodnoj ovci.

XXIV

(Podrška hranidbe u kozarstvu)

- (1) Podršku ostvaruje klijent za kojeg je u 2022. godini kantonalno Ministarstvo izvršilo obračun federalne novčane podrške za Uzgoj rasplodne stoke - koze.
- (2) Klijent koji ne aplicira za federalnu novčanu podršku za Uzgoj rasplodne stoke - koze u 2022. godini, podršku ostvaruje za hranidbu u kozarstvu - rasplodne koze ako u vlastitom uzgoju ima minimalno obilježeno 15 rasplodnih koza.
- (3) Podrška hranidbe u kozarstvu može se ostvariti za maksimalno 650 rasplodnih koza.
- (4) Iznos podrške je do 7,00 KM po rasplodnoj kozi.

XXV

(Podrška hranidbe u uzgoju krava prvotelki-rasplodne junice)

- (1) Podršku ostvaruje klijent za kojeg je u 2022. godini kantonalno Ministarstvo izvršilo obračun federalne novčane podrške za Uzgoj krava prvotelki-rasplodne junice.
- (2) Klijent koji ne aplicira za federalnu novčanu podršku za Uzgoj krava prvotelki-rasplodne junice u 2022. godini, podršku ostvaruje za hranidbu rasplodnih junica ako u vlastitom uzgoju ima minimalno 2 junice starosti od 14 do 26 mjeseci.
- (3) Podrška hranidbe u uzgoju krava prvotelki-rasplodne junice može se ostvariti za maksimalno 40 junica.
- (4) Iznos podrške je do 90,00 KM po rasplodnoj junici.

XXVI

(Podrška hranidbe u uzgoju goveda u sistemu krava-tele)

- (1) Podršku ostvaruje klijent za kojeg je u 2022. godini kantonalno Ministarstvo izvršilo obračun federalne novčane podrške za Uzgoj goveda u sistemu krava-tele.
- (2) Klijent koji ne aplicira za federalnu novčanu podršku za Uzgoj goveda u sistemu krava-

tele u 2022. godini, podršku ostvaruje za hranidbu u uzgoju goveda u sistemu krava-tele ako u vlastitom uzgoju ima minimalno obilježeno 10 krava.

- (3) Podrška hranidbe u uzgoju goveda u sistemu krava-tele može se ostvariti za maksimalno 40 krava.
- (4) Iznos podrške je do 90,00 KM po kravi.

XXVII

(Podrška hranidbe za proizvodnju svinjskog mesa- tov svinja)

- (1) Podršku ostvaruje klijent za kojeg je u 2022. godini kantonalno Ministarstvo izvršilo obračun federalne novčane podrške za proizvodnju svinjskog mesa – tov svinja.
- (2) Klijent koji ne aplicira za federalnu novčanu podršku za proizvodnju svinjskog mesa - tov svinja u 2022. godini, podršku ostvaruje za hranidbu tovnih svinja akou jednom turnusu utovi minimalno 15 svinja od prasadi iz vlastitog ili domaćeg uzgoja ili minimalno 30 svinja iz uvoza.
- (3) Podrška hranidbe za proizvodnju svinjskog mesa - tov svinja može se ostvariti za maksimalno 300 tovnih svinja u tekućoj godini.
- (4) Podrška hranidbe za proizvodnju svinjskog mesa - tov svinja može se ostvariti za maksimalno dva turnusa u tekućoj godini.
- (5) Iznos podrške je do 12,00 KM po tovnj svinji.

XXVIII

(Podrška hranidbe u uzgoju rasplodnih krmača)

- (1) Podršku ostvaruje klijent za kojeg je u 2022. godini kantonalno Ministarstvo izvršilo obračun federalne novčane podrške Uzgoj rasplodnih krmača.
- (2) Klijent koji ne aplicira za federalnu novčanu podršku za uzgoj rasplodnih krmača u 2022. godini, podršku ostvaruje za hranidbu u uzgoju rasplodnih krmača ako u vlastitom uzgoju ima minimalno obilježene 3 rasplodne krmače starije od jedne godine.
- (3) Podrška hranidbe za Uzgoj rasplodnih krmača može se ostvariti za maksimalno 80 rasplodnih krmača.
- (4) Iznos podrške je do 45,00 KM po rasplodnoj krmači.

XXIX

(Podrška hranidbe koka nosilica)

- (1) Podršku za hranidbu koka nosilica ostvaruje klijent koji je upisan i ažurirao stanje u RPG/RK i koji od kantonalnog Ministarstva ima rješenje da objekat zadovoljava propisane veterinarsko-zdravstvene uslove.
- (2) Podršku za hranidbu koka nosilica ostvaruje klijent koji na području Hercegovačko – neretvanskog kantona ima registrovan obrt za proizvodnju konzumnih jaja i pravno lice registrovano za tu djelatnost. Podrška se može ostvariti za minimalno 1.500 koka nosilica u proizvodnji koje su u fazi nošenja jaja.
- (3) Podrška za hranidbu može se ostvariti za maksimalno 10.000 koka nosilica.
- (4) Iznos podrške je do 0,50 KM po koki nosilici.

XXX

(Organska proizvodnja)

- (1) Klijent koji ispuni uslove za dodjelu novčane podrške za propisanu mjeru iz tačke VII do tačke XXIX ovog Programa, može ostvariti dodatnu podršku za organsku proizvodnju ako posjeduje certifikat o organskoj poljoprivrednoj proizvodnji od međunarodno priznatog certifikacijskog organa.

- (2) Klijentu će se za organsku proizvodnju obračunati dodatni iznos na utvrđeni osnovni iznos novčane podrške za propisane mjere iz tačke VII do tačke XXIX ovog Programa.
- (3) Dodatni iznos obračunava se u visini do 5% od utvrđenog osnovnog iznosa novčane podrške.

C. MODEL KAPITALNIH/INVESTICIONIH ULAGANJA

XXXI

(Subvencija nabavke traktora i priključaka za traktor)

- (1) Podršku za subvencioniranje nabavke traktora i/ili priključaka za traktor ostvaruje klijent koji je kupio traktor i/ili priključke u periodu od 01.10.2021. do 31.08.2022. godine.
- (2) Klijent može ostvariti podršku za nabavku priključaka ukoliko već posjeduje traktor i saobraćajnu dozvolu za traktor na ime klijenta.
- (3) Klijent može ostvariti podršku za nabavku jednog traktora i/ili maksimalno dva priključka.
- (4) Ministar odlukom odobrava novčanu podršku za subvencioniranje nabavke traktora i/ili priključaka.
- (5) Klijent ne može otuđiti traktor i/ili priključak za koji ostvari podršku u periodu od pet godina nakon isplate podrške. Ako poljoprivredni inspektor inspekcijskim nadzorom utvrdi da je klijent otuđio predmet podrške, donosi rješenje kojim klijentu naređuje povrat isplaćenih sredstava podrške u Budžet Hercegovačko-neretvanskog kantona.
- (6) Udio podrške iznosi do 25% ukupne vrijednosti traktora i/ili priključaka za traktor.
- (7) Udio podrške iznosi do 30% ukupne vrijednosti traktora i/ili priključaka za traktor za nosioca porodičnog poljoprivrednog gazdinstva mlađeg od 35 godina na dan podnošenja zahtjeva ili žene nositeljice porodičnog poljoprivrednog gazdinstva.

XXXII

(Subvencija nabavke novog motokultivatora i priključaka za motokultivator)

- (1) Podršku za subvencioniranje nabavke novog motokultivatora i/ili priključaka za motokultivator ostvaruje klijent koji je kupio motokultivator i/ili priključke u periodu od 01.10.2021. do 31.08.2022. godine.
- (2) Klijent može ostvariti podršku za nabavku jednog novog motokultivatora i/ili maksimalno dva priključka.
- (3) Ministar odlukom odobrava novčanu podršku za subvencioniranje nabavke novog motokultivatora i priključaka.
- (4) Klijent ne može otuđiti motokultivator i priključke za koji ostvari podršku u periodu od tri godine nakon isplate podrške. Ako poljoprivredni inspektor inspekcijskim nadzorom utvrdi da je klijent otuđio predmet podrške, donosi rješenje kojim klijentu naređuje povrat isplaćenih sredstava podrške u Budžet Hercegovačko-neretvanskog kantona.
- (5) Udio podrške iznosi do 25% ukupne vrijednosti motokultivatora i/ili priključaka za motokultivator.
- (6) Udio podrške iznosi do 30% ukupne vrijednosti novog motokultivatora i/ili priključaka za motokultivator za nosioca porodičnog poljoprivrednog gazdinstva mlađeg od 35 godina na dan podnošenja zahtjeva ili žene nositeljice porodičnog poljoprivrednog gazdinstva.

XXXIII

(Subvencija nabavke nove opreme za navodnjavanje)

- (1) Podršku za subvencioniranje nabavke nove opreme za navodnjavanje (pumpe, crijeva, raspršivači/kapaljke, sistem za filtriranje, fertirigaciju, uređaji za namotavanje crijeva i

dr. slična oprema za navodnjavanje) ostvaruje klijent koji je kupio novu opremu u periodu od 01.10.2021. do 31.08.2022. godine.

- (2) Ministar odlukom odobrava novčanu podršku za subvencioniranje nabavke nove opreme za navodnjavanje.
- (3) Klijent ne može otuđiti opremu za navodnjavanje za koju ostvari podršku u periodu od dvije godine nakon isplate podrške. Ako poljoprivredni inspektor inspekcijskim nadzorom utvrdi da je klijent otuđio predmet podrške, donosi rješenje kojim klijentu naređuje povrat isplaćenih sredstava podrške u Budžet Hercegovačko-neretvanskog kantona.
- (4) Udio podrške iznosi do 25% ukupne vrijednosti nabavke nove opreme za navodnjavanje, a maksimalno odobrena podrška može iznositi 3.500,00 KM po klijentu.
- (5) Udio podrške iznosi do 30% ukupne vrijednosti nove opreme za navodnjavanje za nosioca porodičnog poljoprivrednog gazdinstva mlađeg od 35 godina na dan podnošenja zahtjeva ili žene nositeljice porodičnog poljoprivrednog gazdinstva, a maksimalno odobrena podrška može iznositi 3.500,00 KM po klijentu.

XXXIV

(Subvencija nabavke nove opreme u stočarstvu-muzilice i miješalice za hranu)

- (1) Podršku za subvencioniranje nabavke nove opreme u stočarstvu (muzilice i miješalice za hranu) ostvaruje klijent koji je kupio novu opremu u periodu od 01.10.2021. do 31.08.2022. godine.
- (2) Klijent može ostvariti podršku za maksimalno dvije muzilice i jednu miješalicu za hranu.
- (3) Ministar odlukom odobrava novčanu podršku za subvencioniranje nabavke nove opreme u stočarstvu (muzilice i miješalice za hranu).
- (4) Klijent ne može otuđiti opremu u stočarstvu (muzilice i miješalice za hranu) za koju ostvari podršku u periodu od dvije godine nakon isplate podrške. Ako poljoprivredni inspektor inspekcijskim nadzorom utvrdi da je klijent otuđio predmet podrške, donosi rješenje kojim klijentu naređuje povrat isplaćenih sredstava podrške u Budžet Hercegovačko-neretvanskog kantona.
- (5) Udio podrške iznosi do 25% ukupne vrijednosti nove opreme u stočarstvu-muzilice i miješalice za hranu.
- (6) Udio podrške iznosi do 30% ukupne vrijednosti nove opreme u stočarstvu-muzilice i miješalice za hranu za nosioca porodičnog poljoprivrednog gazdinstva mlađeg od 35 godina na dan podnošenja zahtjeva ili žene nositeljice porodičnog poljoprivrednog gazdinstva.

XXXV

(Subvencija izgradnje novih plastenika)

- (1) Podršku za subvencioniranje izgradnje novih plastenika (konstrukcija, otvori, mehanizmi za ventiliranje bočno i krovno, folija za prekrivanje plastenika i dr. slična oprema za izgradnju plastenika, troškovi montaže ili ugradnje) ostvaruje klijent koji je izgradio plastenik u razdoblju od 01.10.2021. do 31.08.2022. godine.
- (2) Pravo na podršku ima klijent koji izgradi novi plastenik minimalne pojedinačne površine od 300 m², minimalne radne visine 2 m. Podrška se može ostvariti za maksimalno 1.000 m² površine novoizgrađenog plastenika.
- (3) Ministar odlukom odobrava novčanu podršku za subvencioniranje izgradnje novog plastenika.
- (4) Klijent je obavezan zadržati plastenik za koji je ostvario podršku najmanje tri godine nakon isplate podrške. Ako poljoprivredni inspektor inspekcijskim nadzorom utvrdi da je klijent otuđio predmet podrške, donosi rješenje kojim klijentu naređuje povrat isplaćenih sredstava podrške u Budžet Hercegovačko-neretvanskog kantona.

- (5) Visina novčane podrške iznosi do 3 KM/m² površine izgrađenog novog plastenika.
- (6) Visina novčane podrške iznosi do 3,5 KM/m² površine izgrađenog novog plastenika za nosioca porodičnog poljoprivrednog gazdinstva mlađeg od 35 godina na dan podnošenja zahtjeva ili žene nositeljice porodičnog poljoprivrednog gazdinstva.

D.MODEL OSTALIH VRSTA PODRŠKI

XXXVI

(Podrška otkupu voća, povrća i grožđa iz domaće proizvodnje)

- (1) Podrška je namijenjena domaćim otkupljivačima/prerađivačima sa sjedištem na području HNK za otkup od porodičnih poljoprivrednih gazdinstava (PPG-a) koji su upisani u RPG/RK sa prebivalištem i mjestom proizvodnje na području Hercegovačko – neretvanskog kantona.
- (2) Podršku ostvaruje klijent registrovani otkupljivač (pravno lice) upisan u RK i u sudskom registru ima upisanu djelatnost trgovine na veliko voćem i povrćem, kao i klijent otkupljivač/prerađivač grožđa (pravno lice) upisan u RPG/RK, upisan u sudski registar i ima rješenje Federalnog ministarstva poljoprivrede, vodoprivrede i šumarstva Sarajevo o priznavanju oznake vina sa geografskim porijeklom u skladu sa Zakonom o vinu („Službene novine F BiH“, broj : 55/12).
- (3) Podršku za otkup voća i povrća u 2022. godini ostvaruje pravno lice koje vrši otkup voća i povrća od PPG-a za daljnju prodaju, a podršku za otkup vinskog grožđa od PPG-a ostvaruje pravno lice koje vrši preradu grožđa u vino sa geografskim porijeklom.
- (4) Podrška za otkup voća i povrća iznosi do 0,10 KM/kg, a podrška za otkup grožđa iznosi do 0,20 KM/kg, a maksimalno odobrena podrška može iznositi 10.000,00 KM po klijentu.

XXXVII

(Interventna sredstva - nepredviđeni izdaci)

- (1) Interventna sredstva koristeće se za nepredviđene izdatke u oblasti poljoprivrede koji se pojave tokom budžetske godine i koji nisu obuhvaćeni Programom i Uputstvom, a u skladu su sa Zakonom o novčanim podrškama u primarnoj poljoprivrednoj proizvodnji i prehrambeno-prerađivačkoj proizvodnji na osnovu pojedinačnog zahtjeva klijenta.
- (2) Ministar odlukom odobrava novčanu podršku za interventna sredstva i sa klijentom zaključuje ugovor o podršci koji sadrži uslove korištenja sredstava, način plaćanja, obaveze, način pravdanja sredstava, izvještavanje i kontrolu utroška sredstava.

POGLAVLJE IV. SREDSTVA ZA OSTVARENO PRAVO U PONOVLJENIM POSTUPCIMA

XXXVIII

(Sredstva za ostvareno pravo u ponovljenim postupcima)

Ovim Programom obuhvaćena su i sredstva namijenjena za ostvareno pravo u ponovljenim postupcima.

POGLAVLJE V. NADZOR I IZVJEŠTAVANJE

XXXIX

(Nadzor)

- (1) Inspekcijski nadzor u provedbi ovog Programa obavljaju poljoprivredni inspektori Ministarstva poljoprivrede, šumarstva i vodoprivrede.
- (2) Poljoprivredni inspektor vrši nadzor i kontrolu u fazi proizvodnje na mjestu proizvodnje kod potencijalnih klijenata za novčanu podršku nakon prijave za izlazak na teren nadležnoj gradskoj/općinskoj službi, kao i kontrolu na mjestu proizvodnje kod klijenta nakon podnošenja zahtjeva za kantonalnu novčanu podršku.
- (3) Poljoprivredni inspektor provjerava i utvrđuje vjerodostojnost podataka i dokumentacije koju je podnosilac zahtjeva dostavio s ciljem dobivanja sredstava za novčanu podršku i za koje podnosilac zahtjeva odgovara.
- (4) Poljoprivredni inspektor vrši uvid u dokumentaciju i uviđaj na mjestu proizvodnje za sve vrste podrški, podrška proizvodnji, kapitalnog/investicijskog ulaganja i interventnih sredstava podrške kod klijenta koja se odnosi na odobrenu novčanu podršku.
- (5) Poljoprivredni inspektor o izvršenom inspekcijskom nadzoru sačinjava zapisnik na licu mjesta i donosi rješenje u skladu sa Zakonom o novčanim podrškama u primarnoj poljoprivrednoj proizvodnji i prehrambeno-prerađivačkoj proizvodnji, ovom Programu i Uputstvu i drugim važećim propisima.

XL

(Podnošenje izvještaja)

Ministarstvo će Vladi HNK dostaviti Izvještaj o realizaciji kantonalnih novčanih podrški do 31.1.2023. godine.

POGLAVLJE VI. ZAVRŠNA ODREDBA

XLI

(Stupanje na snagu)

Program stupa na snagu danom donošenja, a objavit će se u „Službenim novinama Hercegovačko- neretvanskog kantona“.

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
V L A D A

Broj:01-1-02-939 /22
Mostar, 22.4.2022.godine



PREDSJEDNIK

dr. sc. Nevenko Herceg